

四庫全書存目叢書編纂委員會編

齊魯書社

四庫全書存目叢書

四庫全書存目叢書編纂委員會編

齊魯書社

四庫全書存目叢書

集部
第二〇二冊



責任編輯：孫言誠 賀 偉

ISBN 7-5333-0615-5



9 787533 306151 >

2B24/15

四庫全書存目叢書·集部二〇二

(大陸版·限中國大陸發行)

四庫全書存目叢書編纂委員會編

齊魯書社出版發行

(濟南經九路勝利大街)

廣東精裝印務有限公司印製

787×1092 毫米, 16 開本 45.75 印張

1997 年 7 月第 1 版 1997 年 7 月第 1 次印刷

印數 1 - 100

ISBN 7 5333-0615-5

Z·60 集部定價:127800 圓

集部第二〇二冊目次

集部·別集類

栖雲閣詩十六卷拾遺三卷文集十五卷

〔清〕高珩撰
上海師範大學圖書館藏清乾隆三年四十四年刻合印本

..... 一

誠正齋文集八卷

〔清〕上官鉉撰
山西大學圖書館藏清康熙二十二年刻本

..... 四二一

栖雲閣詩十六卷拾遺三卷

文集十五卷

〔清〕高珩撰

上海師範大學圖書館藏清乾隆三年

四十四年刻合印本

附《四庫全書總目·栖雲閣詩

十六卷拾遺三卷》提要

先會王父司寇公服官如千年宦情實淡讀阿
殿燕臺遊賦等篇志可知也家政如千年又未
嘗一日果哉斯世亦卽於文章見之顧晦迹沉
名方禁後人不得請恤諡於

朝又於文乎何有故強半散逸不自收拾然後
人於遺澤所畱則曷敢失墜詩存僅數千首蒙
宮贊趙秋谷先生選定蒙臬宋先生又拾其餘
珍前後刊刻成編文存數百篇猶寶諸衍笥欲
求名公先生遴選竝梓以永其傳乃年甫逾艾
早衰且病恐志不能遂敬附數言於藏稿之末
以授二子時

乾隆乙酉九月九日曾孫糾緒謹識

嗚呼此先大人未竟之志也今曷幸逢我

藩臺吳江陸大人搜羅遺文蒙賜選輯恭依

明教先以正集付梓小子榮樂蒙蒙何知

先高王父日監在茲其有曠世知己之感也

夫
五世孫貽樂沐手謹識

淄川高念東先生始以雄才博學受知於

世祖皇帝由史官歷擢至少冢宰小繫下遷入

聖祖皇帝朝累進至少司寇一退再起卒引年以歸臥

里第者前後二十年薨年八十有六遺令不具遺

疏不請祭葬及諡於

朝不求碑誌傳記於世之名輩蓋澹於榮祿名位其

本懷也少爲諸生與益都孫文定公馮文毅公及

先叔祖清止公齊名厚善咸推其詩筆超拔敏贍

非時流所及新城王司寇漁洋公與先生爲中外

栖雲閣

序

雖晚進詩名絕盛稱先生詩超詣妙悟不可以耳

目町畦限之每欲爲之論定先生笑而謝焉親知

間有學識者晚以爲言先生不應於是子姪輩無

敢復請計先生平生詩不下萬首皆晦於家終不

使斯世一睹光氣也已先生薨後垂四十年有賢

孫三人不忍其終晦也合力排纂搜藏發覆乃知

先生都無容心隨手棄置而已於殘帙敗簾中零

星綴拾得詩僅數千首而重複訛闕者什三四請

余訂正之余時已衰倦譬若獨持斧斤深入名山

大壑所見者罔非干雲蔽霄之木將安施其力乎

黽俛勞思久乃有緒刪其複者闕者定其訛誤者

凡存若干首區爲若干卷縱觀而長嘆者久之蓋

詩之道極敝於有明尤壞於科第館閣一落其中

百弊畢世積習堅牢卒不可拔而南北風氣則大

異焉南中勦襲假請僞久成性共立門戶笑北人

爲空疎北人固無辭也有粗知問學者苟得而輒

滿不足忌其或卓然能自成就則必遭排擠俾斤

廢終身而後已先生獨能破除積習播其聲華從

栖雲閣

序

容而至卿貳其遺篇發露於四十年後將與岱北

名山同其不朽非若文定文毅兩相國家書籍蕩

散或付諸薪炭或尋於市儉卽漁洋尚書歿僅二

十年亦彷彿無餘而先清止公集已雕之板遂無

一片存者先生棲心空寂澹於祿位超然忘名矣

而二者顧相隨不去一由於遇時一由於有後始

天實假之以吐科第館閣之氣而刷鄉邦閭閻之

恥豈偶然者歟余自弱冠登先生栖雲閣既而隨

先生於

朝又侍先生於家誠不自意先生詩集乃成於余手
然方今之時經識先生而者海內無幾人況欲知
其出處大概究其詩格之所造與其久晦之由非
余其誰屬哉余故詳述而謹書之庶有傳於後辛
亥夏六月晦日飴山後學趙執信序

栖雲閣

序

三

栖雲閣詩總目

飴山後學趙執信選定

第一卷

五言古詩四十九首

第二卷

七言古詩四十三首

第三卷

七言古詩三十二首

第四卷

栖雲閣

總目

一

雜言詩十九首

第五卷

五言絕句詩四十五首

第六卷

六言絕句詩十二首

第七卷

五言律詩六十四首

第八卷

五言律詩六十六首

第九卷

七言絕句詩八十一首

第十卷

七言絕句詩九十七首

第十一卷

七言絕句詩一百三首

第十二卷

七言絕句詩九十七首

第十三卷

七言律詩六十八首

第十四卷

七言律詩七十首

第十五卷

七言律詩六十七首

第十六卷

七言律詩六十七首

後學同邑畢海堯崑朗

博山趙 孫去奢

姪孫 肇脰徑千同校字

元孫 貽榮

貽樂 重校

栖雲閣詩卷第一

刑部左侍郎前吏部左侍郎蒲川高琬字慈佩

五言古詩四十九首

都中二首

呵殿走長衢塵土汗君顏旁觀或噴噴誰知如檻
猿何時出城去極目青滿田野廬多好景鷄犬皆
蕭然行行重行行碧山當我前樹流幽澗濯抱雲
古洞眠奇花饒芬馥野鹿時往還鬱鬱百尺松澹
澹千派泉松與烟嵐迷泉兼冰雪寒匏鐺淪石芝
栖雲閣 卷一 一
書帙粘苔錢霞輶雖未來塵疴忽已痊所以陶貞
白金羈憎一官

長安多貴人火龍燭欲死宛轉甌釜中遙羨林居
子林居樂何如稍讓神仙耳竹樹十丈高週匝數
十里萬鳥嘯其巔千泉鳴其底高人靜者流歌笑
遞相倚各有一匡牀各據一棊几或卧看雲飛或
坐濯流水楸枰剥啄聲琴筑參差起焚香或瞑目
靜息觀無始微燧來不窮已訝晚霞紫涼月出東
山青霄去人思可以避暑無軒車未能爾

欲出遊

燕臺苦風沙溪山亦懷新豈曰無勝地所少蓋閑
人人固有時閑役役乃其神誰能勇且智振策出
城園我聞高梁橋萬柳照水濱昂首糞土中乃識
天地春傾觴對興卒所與皆子倫山水開昏蒙性
情癩其身

欲假一廬於響岡畔

車馬盡日馳逐逐無時休其中不相謀各有喜與
憂僕本澹蕩人投箸輒出遊雖逐屠沽塵而心無
栖雲閣 卷一 二
所求譬若巖岸舫停撓閱衆流意將買一廬雜于
負販儔前數往來騎後枕清溪頭垂楊間高槐一
榻衆影收處囂心乃寂用以勉吾修

正陽門

朝進正陽門暮過正陽橋雜沓萬人趨車騎何囂
囂馬下多負販馬上多金貂呵殿九衢喧飛揚意
氣驕那知百年內公卿向此銷豈無陶貞白掛冠
躡雲霄怡然懷昔賢未覺仙路遙誓將脫塵氛赤
城有霞標羽車浮上清鸞鶴紛相招

贈王敬哉

攜酒云贈君自傾觥已置譬如閉門飲何關主人
事佳饌與清歌了了開人意此則郁公厨良與蓬
蒿異一樽謝不敏祈對明妝醉京洛多飲醉蓼蟲
獨依桂醴甘非不知性情有所寄仲祖我輩人吳
味能無類

警悟

羲和未整轡驚門征馬嘶揚鞭至康莊冠蓋馳多
時問君何爲爾營營各有詞馳驅夜未休來日復
栖雲閣
如茲月月復年年吳霜乍滿髭撇瑟行方休徒爲
達者嘔車聲馬足塵萬劫盡于斯

送友人歸

故人翩然來朝夕成良晤笑語每分榻過從或徒
步所恨駒隙中忽言某日去是時意不驚把臂猶
如故冉冉至其期門前僕馬具攬轡一揮手飄然
如烟霧次第一一歸皆云歲將暮而我滯京華直
爲名所誤霜下旗亭柳雲隔津門樹書來當有時
夢去豈無路牽衣更相詢今夜宿何處

安知

安知道旁塚不有昔年吾遺山真達人念念與化
徂一身隨萬變豈止如斯乎大均喜怒恣驅我如
驅奴蟲肝與鼠臂游麟復夢胥鐵石或我骨土壤
或我膚泉澤或我血蓬蒿或我髮安知我食我已
爲我與蔬安知我用我已爲缶與壺譬如舟無帆
海風狎天吳譬如車有輻輳輾閱三途誰能卓然
立不爲造物愚一念未起處豈與太空殊長嘯歸
去來海山豈荒蕪

栖雲閣

卷一

四

東歸

臨歧慨以懷決晨乃惻惻引領馬南首靡靡方越
陌揮鞭顧日影亭午當食息險道附車徒欲慰安
可得

途中咏

懷歸思美酒到口亦平平健羨皆妄馳學道貴無
營息心聊晏眠風窸策策鳴

冬宿平原張氏齋頭綠竹獨茂

襖被宿精廬天風鳴珮環推枕開北窓愛此碧琅

升我來自蒨皇黃竹萎且殘嚴威無華滋清臞如
枯禪幸托君子庭森森青鳳翰天姿豈有殊所殊
煥與寒賢達無令名托處良獨難所以千載人易
地乃達觀悠悠大冷中萬變固無端區區偶榮枯
乘化何足言

長安歸途

不待渡白河良鄉已足喜千里好歸途宛在吾足
底名郡指河間荒城不足紀衛水一橋橫幸入高
陽里三日過黃岡深水清瀾瀾單椒空翠來鞭拂
栖雲閣
卷一
五
華山趾龍山纔向東長白當面起客子良苦辛數
月重見爾

閑居

支牀臨清流鼓枕對遙山卧看疎林中勞者趨息
肩遠望或相笑始悟我正閑亦日隔簷楹南來風
飄然

夜中有感

十年習劍術劍卧虹不起胸臆五嶽填冠髮忽上
指寧可遲神仙快意聊爾爾天下無不平憫懷化

爲水

審頭遊

吾弟村居久今年添草堂昨日招我遊河水聲琅
琅赤足踏清波逸興江湖長雲破日侵人昏昏睡
微醒吾弟頗解事云盡陟前岡南北夾雙溪其中
草樹荒其窄僅容坐共高風來翔久之攜手歸當
庭支板牀于時忻然卧意適神亦揚西望怒雲垂
傍日金碧煌久依槐鬱森仰視雲頽頽諸弟咸愛
留我歸爲俗妨入城便煥悶乃識野宿良迨夜月
栖雲閣
卷一
六
甚明湛溢爐金黃此時念諸弟坐卧將興狂晨起
恍有悟臧穀同一牢晚凉既不存好月亦已亡世
間得意事萬變固難量逆計神欲飛入手事亦常
過去如蛆蟬搏影縛流光熟思聊所然萬化皆茫
茫

審頭河上

出郭意忻然雪清晴日矣猶恨北風來峭寒時作
止策蹇不入村就泉行靡靡咫尺忽歛望望之如
止水久坐對沙紋方見流芳芷淙淙漸有聲似爲

遊人起貨鉅疏小潭遊戲同童子所賦百步餘到
橋沃焦比茫然還自笑我識爲崇耳若不窮源流
兀然坐於此焉知源自東不隔千山趾焉知其流
去赴海不千里若令元駒步定詫張鸞使再見飛
仙遊大千一彈指崑崙到滄溟如此而已矣修短
何足校且用滌吾齒

爾爾

天地誰所爲未能探其始其來不可窮其去安可
止所以耳目目前日日聞人死相逼何咄咄未免或

栖雲閣

爾爾哀哉智勇豪安坐行卽此

過五弟不值

昨日夕陽好薄言可出遊及到君齋前應門但平
頭連夜月如霜野望意方快今晨叩君門云昨宿
郭外苟在名教中爲樂無不可所賦見事遲往在
已先我息駕三里溝主人值他出清風恣酣眠無
主意更適縱筆了應酬策蹇緣溪去若遇佳石潭
浴可同鷗鷺歸來月在橋諸弟或當逐解鞍話晚
涼此興復不淺我憶三夕前嫋嫋絲與竹安得等

歌人唱和遊仙曲小閣卧空明如在瑤臺表荷香
來不窮風露忽清曉紅妝箇箇斜對盤龍鏡青
山曉黛濃早已來相映

漫興

苧梁而病噎不如泌水飢貧賤得卽適遠勝公卿
危啄雀常廻顧粒粟禍所基鴻鵠爾何能冥冥天
外飛仙凡途自殊造物寧有私

聽鳥鳴

好鳥愛佳樹日來鳴其巔宛轉聲不窮妍若笙歌

栖雲閣

卷一

然正宜南窓下幽人展轉眠俗客視無來逸興方
翩翩與爾期久要誓去仍當還不妨多呼偶永以
相周旋

偶成

我愛王右丞倚杖柴門外臨風聽暮蟬此語良有
味浩然見君心胸中無一累事事是真如萬物歡
來會移境惟此心哀樂將誰對不見漢家王閭樂
反垂淚

古意

昂首蓬萊宮眺望西山曉烟起失峯巒螺髻青綠
繞中有幽人行褰袂拾瑤草下望鳳城深笑指塵
浩淼

醉吟行

粟米如故人來自滄海曲慙入君子堂
龜勉伴梁肉樽中復何有潞酒湛醴醪微醉發高吟燕坐梅
花屋偶念南山陬叢桂發新綠雨雪迷空山幽人
方獨宿

贈謝起東

栖雲閣

卷一

九

家有十年酒隣有萬頃荷何不攜嬋娟扁舟日笑
歌問訊元真子所得孰爲多不則歷名山蝸廬栖
雲阿黃鵠鳴咽風絳節來相過聳身凌倒景挹斗
傾天波下視蟻子羣擾擾方稱戈其名曰項劉云
是爭山河輒然開笑口如此滄桑何

送遠遊

牀下一尺地畏與蜀道同故人駕星輅快然萬里
蹤驅車懸崖巔呼吸闔闔通鼓枹大江流夷猶玻
璃宮諸君身所關皆我意所從井蛙拘泥淖黃鶴

翔天風委心命不猶一榻遊鴻濛

遊西堤

秋色汝何來乃與閑人遇起舞意飛揚不知身在
處高唱紫微詩走馬城西路遠望通高奎雉堞止
數步叢碧且里餘峩峩郊壇露黃屋北嵯峨曉靄
雜烟霧下視積水明橫塘如疋素中有拄杖人石
梁方半渡安得蕩爲湖扁舟狎鷗鷺童僕追我來
攜壺治草具地僻尋問難喜瞻馬繫樹豪飲怨聖
賢山色冉冉暮虛翠漸西濃塔立烏橫度忽念八
行書故人或左顧周眺倪首歸故人則已去意亦
不可常景亦何可住夢作韋杜遊庭戶歸如故

閑居

心在青冥間身如土木偶隨日可尋花無月亦飲
酒醉卽水渌眠狂每山巔走借問葛天時斯人或
多有

自慰

行過太行山礪礪平如砥舟過灩澦堆江河池沼
耳諸事不關心向來已九死所以拂意事受之常

歡喜

萬年溝

鬱鬱萬年溝左顧高至蟠山溪自西來琤琮橫其
前老樹大十圍枝幹交樛纏赤日從不至俯仰天
蒼然居人夜布枕行者朝息肩我來暫徘徊僕夫
輒解鞍安得攜樽坐高枕聞鳴蟬十里綠陰稠直
至山城邊

紀遊

處暑夜來雨曉起庭如沐駕言出東門天氣頗清

栢雲閣

卷一

七

淑野有饁女笑林無鳩婦哭小園棗栗半赤已
可撲北駕臨藍泉淳汙不潤菽賈莊樓如斗青囊
再三讀元起亦仁人共誤在推轂如何捨俞跗乃
欲兼頗牧不止喪其元而且覆公餗一編留博濟
或可資冥福西至三里溝門前菑菑覆門內棘棘
良數株團簇簇我臂羊裘同頻年搜林麓坐得踰
望涯豈非天所篤殷勤囑圃人勿使兒童觸秋紅
攜友來開樽嘗新熟振衣登笠雲雲山豁遠目湖
漲小錦秋微風縹紗縠閣南花如星閣北荷如屋

遊魚疑落紅拍手揚鬚倏秋藕老多滓秋桃甘勝
肉葡萄黑乃酢良者水晶綠主人有奇懷五丁藏
心曲許田似可假當戶裁方幅入眼愛嶽崎爲園
厖平陸將以畚鍤靈突然出岳瀆穴洞作崆峒引
流躍飛瀑鬱鬱環長林娟娟茂修竹草屋與茅亭
綠岸遙相屬名園匠心成其妙尤在速何異樂化
天宮殿手反覆世眼驚神通不爲天地束禹水稷
教稼皆是偶然欲慎勿商俗人笑謗州爲縮一願
沃土外峻嶒山骨禿二願秋禾豐鹿困悉多蓄三
願石鄧財助子成金谷我爲子東隣卽當同版築
驅馬就廟阜隱牛撫壽木三杯暮色催渡河濕馬
腹無乃南山雨潮漲來何促漏下僅入城高枕對
燈宿明日北村行更叩君平卜

山遊

墨池巨靈手劈此萬仞壁老松踞其巔垂蓋如相
揖白雲將求友來往時翕集欲跨青田君萬丈凌
秋碧

石崑下

夕陽萬里明颼颼天風舞欲撻石壁閒坐對拾得語

贈趙韞退

塵中靜固難稍靜已若寂所賴接宇人素心可晨夕過從時無數微光月在壁候門童子熟聞聲暗已悉主人催短檠倒屣未覓憤一問新聞見笑謔雜太息

中元月坐

雨歇新月上翠海玉蟾過翩翩素女裳風露影婆娑

栖雲閣

卷一

辛

娑乘此千里光宜泛萬頃波舟楫若浮空魚龍答浩歌

夜半

小立四更天何事清如許正當明月中幾點花梢雨庭空戶牖閑四顧無人語漏促鷄又鳴此聲消今古

對菊

寒香似幽人自是溪山偶展卷意悠然秋色落吾手乾坤共束籬畢竟爲誰有靖節與靈均不識果

某某昔賢今也亡對花且飲酒

河上

火雲猶未斂返照在東壁野靜游氛薄涼風淡將夕曳杖大河濱波聲晚益急驅犢童子還父老門前立村墟息車徒問價商晚食清泉十步近操練身自汲偃仰古槐陰有鵲方啗啗傳聞貨價騰沽酒莫深惜

北寺

鄰寺借綠陰高卧誰予侮敝枕常近北風來涼欲

栖雲閣

卷一

古

雨簾鈴玉珮鳴宛轉隨風舞枝搖天不定隙中鳥可數久之頗覺炎起看已日午安得佳士來楸枰聊共賭勝敗同一笑豈作攢眉苦

東園

翹首入清商溽暑漸轉轂久乾連朝雨時時驚寐霖蝸舍閉柴局欲出沾單服新晴東郭外雲山聊送日豔妍似新妝笑人初出沐雲繁天愈高大火驚西陸嘒嘒晚蟬鳴夕陽掛高木孤枕傲秋亭起看亭前竹十日慵未來遠徧驚新綠共東柯丈餘

驚秋將瑟縮其北柳參天綠錦張高屋齒齒復無
餘孤花媚幽獨雨多堰反頽流斷澗溝瀆深爲魚
婢愁轉恐鳩婦哭西成萬物終大化遷何速吾生
亦有極安能空碌碌

遊南旺莊憶舊事

負笈垂髫初別墅倚山樓拋書有餘暇挾侶清溪
頭烟火近相隣愛此南村遊平田百步盡深澗道
阻修土窟懸半天稚子疑猿猴登陟息盤陀行歌
如有求村樹已迎人入門庭舍幽空堦坐綠陰斗

栖雲閣

卷一

幸

酒不須謀盤餐草草成九鼎薄五侯重來三十年
逝水安可留老樹綠猶前榮落了無愁清風如笑
客枝間聲颺颺

僻怪自笑

章袞非不華猿狙視如仇鼓鐘非不樂爰若以爲
愁乃知性情殊喧寂難相謀拍浮富貴中肯效巢
與由嗟彼沉淵人明主何深求

秋夜

四更不成寐起望月如玦亭亭懸東方西壁光明

滅微風冷然來著體寒霜雪清適惆悵并幽意難
指說身化淨琉璃寒輝疑可吸浩思湖海涓萬里
方澄徹有夢神骨清乘龍翔玉闕反恐天鷄鳴塵
事紛瓜瓞

看花

好花看不盡不看更超然色香何所與耳目便相
牽只如已謝後或作未開前莫被穠華誤賞心總
可憐所以觀空士看花中有禪

河上

栖雲閣

卷一

未

流水向人閑向水人亦爾客心何淡淡清波正齒
齒人境兩蕭然太清遊無始勞勞車馬塵誰是滄
浪子

贈友人

卿相恐難求神仙亦易得千年樂未央祝君好顏
色上客盡才人清言各出手仍抱明霞心此會豈
易有涼月轉簾鉤草蟲語不休風前雙杵接鴈外
數星流

河上浴

誰能塵土中蹙領神仙福。碧樹蔭方濃。青溪流似
穀上爲翡翠帷。下爲玻璃星。毅然脫衣衫。莞爾投
脛足。不愁便滅頂。乍喜才及腹。荇藻紛可穿。沙石
或相觸。大勝南面樂。便擬東潭宿。留苦與保蟲。分
甘向水族。世人耽牀第。娛神乃辱試。問妮妖紅
何如濯淨綠。落日波氣寒。行歌返初服。好月興亦
饒。與我同出浴。

陽生訪友人山居

孤村面平原老樹百餘株相去百步許叢木各相

栖雲閣

卷

13

如東西與南北連延亦分區柴籬垂野花三兩小
茅廬種菜兼鋤瓜井泉流清渠短榻并棋局兼有
得意書時或杖青藜過從一胡盧夕陽呼斗酒涼
月來相娛酒家幸不遙旣竭仍沽諸人如沮溺儉
世卽黃虞初

待月

待月卧匡牀。屋高庭如井。展轉烏夜啼。簷額忽炯炯。不見明月輪。但見明月影。

栖雲閣詩卷第一終

栖雲閣

卷

末